

page :

M063

條目：

《諸德福田經》

內容：

《佛說諸德福田經》(16) 法立、法炬譯

供僧，七種大施，得果。說三乘教，而特重「其有眾生，發一敬心向如來者，勝獲大千世界之珍寶。」由讚僧德，而讚佛德「六度四等」，為佛法根本。信佛而發無上道意，初起之大乘意也。

出處：

※參見《佛說諸德福田經》卷 1 (CBETA, T16, no. 683, p. 777, b2-8)：

佛告天帝：「復有七法廣施，名曰福田，行者得福，即生梵天。何謂為七？一者、興立佛圖、僧房、堂閣；二者、園果、浴池、樹木清涼；三者、常施醫藥，療救眾病；四者、作牢堅船，濟度人民；五者、安設橋梁，過度羸弱；六者、近道作井，渴乏得飲；七者、造作園廁，施便利處。是為七事得梵天福。」

※參見《佛說諸德福田經》卷 1 (CBETA, T16, no. 683, p. 778, b29-c15)：

佛告天帝：「九十六種道，佛道最尊；九十六種法，佛法最真；九十六種僧，佛僧最正。所以者何？如來從阿僧祇劫，發願誠諦，殞命積德，誓為眾生，國財、妻子、頭目、血肉，以用布施，無戀愛之心。心若虛空，無所不覆，六度、四等眾善普備，德慧成滿，乃得為佛。身色紫金，相好無比；去來現在，無不照達；三界尊天，莫能及者；言信德重，震動天地。其有眾生，發一敬心向如來者，勝獲大千世界之珍寶矣！說三十七品、十二部經，分別罪福，言皆至誠，開三乘教，各得奉行，聞者歡喜，樂作沙門，信佛行法，志尚清高。眾僧之中，有四雙八輩、十二賢者，捨世貪諍，導世開福，天、人路通，眾僧之由矣。是為最尊無上之道，諸佛、菩薩、緣覺、應真皆從中出，教化一切，度脫群生。」

條目：

《盂蘭盆經》

內容：

《佛說盂蘭盆經》 竺法護譯

1. 《佛說報恩奉盆經》 附東晉錄

救濟餓鬼，唯有供僧，此亦是讚供僧功德者。「菩薩大人權示比丘在大眾中」，則菩薩在聲聞中也。供僧即供菩薩。**1.本**，似從法護本略出。

出處：

※參見《佛說盂蘭盆經》卷 1 (CBETA, T16, no. 685, p. 779, a28-c1)：

「一時佛在舍衛國祇樹給孤獨園。大目乾連始得六通，欲度父母，報乳哺之恩。即以道眼觀視世間，**見其亡母生餓鬼中**，不見飲食，皮骨連立。目連悲哀，即鉢盛飯，往餉其母。母得鉢飯，便以左手障飯，右手搏飯。食未入口，化成火炭，遂不得食。目連大叫，悲號啼泣，馳還白佛，具陳如此。

佛言：「汝母罪根深結，非汝一人力所奈何！汝雖孝順，聲動天地，天神、地神、邪魔、外道、道士、四天王神亦不能奈何！當須十方眾僧威神之力乃得解脫。吾今當為汝**說救濟之法**，令一切難皆離憂苦，罪障消除。」

佛告目連：「十方眾僧於七月十五日僧自恣時，當為七世父母及現在父母厄難中者，具飯、百味五果、汲灌盆器、香油錠燭、床敷臥具、盡世甘美以著盆中，**供養十方大德眾僧**。當此之日，一切聖眾或在山間禪定、或得四道果、或樹下經行；或六通自在、教化聲聞、緣覺；**或十地菩薩大人、權現比丘，在大眾中**；皆同一心，受鉢和羅飯。具清淨戒聖眾之道，其德汪洋，其有供養此等自恣僧者，現在父母、七世父母、六種親屬得出三途之苦，應時解脫，衣食自然。若復有人父母現在者，福樂百年；若已亡七世父母，生天，自在化生，入天華光，受無量快樂。」時佛勅十方眾僧，皆先為施主家呪願七世父母行禪定意，然後受食。初受盆時，先安在佛塔前，眾僧呪願竟，便自受食。

爾時目連比丘及此大會大菩薩眾皆大歡喜，而目連悲啼泣聲釋然除滅。是時目連其母即於是日，得脫一劫餓鬼之苦。」

條目：

《未曾有經》

內容：

《佛說未曾有經》(16) 後漢失譯？

又《佛說樓閣正法甘露鼓經》 天息災譯（前分不同，後分全合）

1.《甚希有經》 玄奘譯

2.《無上依經》 初品

「如來般涅槃後，……以如芥子舍利起塔，大如菴摩勒果，其剎如針；上施繫蓋，如酸棗葉。若作佛像，乃至如麴麥。」功德勝於施僧，施聖僧多多。如來功德大，有六

波羅蜜。「眾生聞者，……悉皆成佛。」

此是讚舍利塔功德者。言及佛像，已是後起。

出處：

※參見《佛說未曾有經》卷 1 (CBETA, T16, no. 688, p. 781, a23-b3)：

爾時，尊者阿難乞食訖，還本處飯食竟，舉衣鉢，洗足已，往詣佛所。一心恭敬，頭面作禮，於一面坐已，白佛言：「世尊！我於彼處晨朝著衣，持鉢入王舍城乞食。見有一處新作大舍，重閣高顯、戶牖彫飾、牆壁嚴整，無有風塵障隔寒暑，便作是念：『若有善男子、善女人能作如是妙麗之舍，布施四方眾僧；若佛般涅槃後，復有善男子、善女人以如芥子舍利起塔，大如菴摩勒果，其剎如針，上施槃蓋如酸棗葉，若作佛像乃至如麩麥。是二功德，何者為多？』」

※參見《佛說未曾有經》卷 1 (CBETA, T16, no. 688, p. 781, c9-17)：

佛告阿難：「置此四天下功德，復置釋提桓因大莊嚴殿功德。若有善男子、善女人作百千億釋提桓因大莊嚴殿，施四方僧；復有善男子、善女人於佛般涅槃後，以如芥子舍利起塔，大如菴摩勒果，其剎如針，上施槃蓋如酸棗葉，若造佛形像乃至如麩麥，此功德滿足，百倍不及，千倍、萬倍、百千萬億倍所不能及，不可稱量。阿難當知，是如來無量功德，戒分、定分、智慧分、解脫分、知見解脫分。」

《佛說未曾有經》卷 1 (CBETA, T16, no. 688, p. 781, c17-29)：

「復次，阿難！如來無量功德，有大神通神足變化，及檀波羅蜜、尸波羅蜜、羼提波羅蜜、毘梨耶波羅蜜、禪波羅蜜、般若波羅蜜如是等無量功德。」

爾時，佛告尊者阿難：「汝諦受持此經。」

阿難白佛言：「受教。世尊！此名何法？我等如來法中當云何受持？」

佛告阿難：「此名『未曾有法』，是一切清淨妙法方便。我以是故慇懃囑汝，當數數廣為諸天、人、阿修羅、龍、夜叉、乾闥婆、伽留羅、緊那羅、摩睺羅伽、人非人等，分別說之，當作如來善根功德種子，一切眾生聞者，得入如來善根功德。以是因緣故，離諸煩惱，悉皆成佛。」

條目：

《希有校量功德經》

內容：

《佛說希有校量功德經》(16) 闍那崛多譯

1. 《最無比經》 玄奘譯

二經同。讚揚三歸（戒）功德，次第與前經大同。奘譯涉及菩薩三聚淨戒。後起。

出處：

※參見《佛說希有校量功德經》卷 1 (CBETA, T16, no. 690, p. 784, a4-8)：

佛言：「阿難！不如是善男子、善女人，以淳淨心，作如是言：『我今歸依佛、歸依法、歸依僧。』所得功德，於彼福德百分不及一，千分不及一，百千萬分不及一，乃至算數譬喻所不能及。」

※參見《最無比經》卷 1 (CBETA, T16, no. 691, p. 785, c19-26)：

佛告阿難：「若善男子或善女人，以淨信心，作如是言：『今我某名，歸依於佛兩足中尊、歸依於法離欲中尊、歸依於僧諸眾中尊。』是善男子或善女人獲福無量。阿難當知，如前所說供養福德，比此三歸所生福德，於百分中不及其一，於千分中亦不及一，於百千分、數分、算分、計分、喻分，乃至鄔波尼殺曇分亦不及一。」